

Santa Bibiana 2020

Riva improvviso vento da tramontana
strucando in basso nuvole in lana.
De colpo l'inbrassa desso
co forse bosso e cipresso
che se piega, scrica e siga
molando 'l seco co qualche fadiga,
so 'sta matina de brosa grassa
che ancora slusega freda par tera
e cresce 'l vento che porta bufera.
Co le schivanele del rodeto
vien qualche falda girando pianeto
e desso liziera co fa 'na farfala
la se inpira par tuto
come 'na ava che bala.
De drio lastre inpanà
visi de bocie resta imagà,
spetacolo raro che dura poco
come 'l belo spetà da un toco.

Dino Libralato